

KONTZERTU EKONOMIKOA. Berriro negoziazio mahaira itzuliko dira datorren astean, baina Madrilgo gobernuak jakinarazi dio Jaurlaritzari European ez duela ordezkaritza zuzenik izango; gainontzeko guztia negoziatzeko prest agertu da PPko gobernuak.

Aznarrek dio Jaurlaritzak ez duela European ordezkaritza zuzenik izango

Ibarretxek aldarrikapenari eusten badio akordiorik ez dela izango ohartarazi du Cabanillasek

Felix Iriarte | GASTEIZ

Kontzertu Ekonomikoa berri-
tzeko muga argi eta garbi jarri
dio Madrilgo gobernuak Eusko
Jaurlaritzari: ezinezkoa da
EAEk European ordezkaritza zu-
zena izatea. Jose Maria Aznar
Espainiako gobernuburuak, Pio
Cabanillas haren eledunak, eta
Cristobal Montoro Ogasun mi-
nistroak gauza bera azpimarra-
tu zuten, atzo eginiko adieraz-
penetan. Zalantza baten balego,
Ramon Rabanera Arabako
ahaldun nagusiak —aurrekoak
bezala PPko kidea bera—, bat
egin zuen Madrilgo agintarie-
kin, eta Jaurlaritzari gomenda-
tu zion —bezperako bileran
erabakitakoaren aurka— Euro-
pako kontuak bazter ditzala,
akordioa ahalbidetzeko.

Konstituzioari eta Estatutuari
heldu dio PPk Jaurlaritzaren as-
moa arbuiatzeko. Aznarrek,
esaterako, Kontzertua European
Espainiak defenditu zuela esan
zuen, eta bere gobernuari esker
dagoela indarrean. Defentsa
hori Konstituzioak eta Estatu-
tuak hala azaltzen dutelako egin
zuela nabarmendu zuen.

Espainiako gobernuburuak
esan zuen Kontzertu Ekonomi-
koaren aldeko dela, «defenditu-
ko» duela, eta akordioa ahalbi-
detzeko ahalagin guztiak egin-
go dituela; baina Jaurlaritzak
eskatzen duen Europako orde-
zkaritza ametitu gabe.

Europako gaiak kanpo politi-
kako kontuak direla azpimarra-
tu dute PPko agintariek. Hala
ere, Jaurlaritzak beste ikuspun-
tu bat defenditzen du, Auzitegi
Konstituzionalak emandako
ebazpenaren haritik. Ebazpen
horrek dio Europako gaiak ez
direla kanpo arazoak, Estatu-
en «barne» arazoak baizik.

Pio Cabanillas Espainiako
Gobernuaren eledunak, bestal-
de, adierazi zuen Ibarretxek
«amore» eman behar duela Eu-
ropako kontuetan. «Euskadik
European ordezkaritza zuzena
izan behar duela berresten
badu Ibarretxek, ez da akordioa
egiteko aukerarik izango»,
ohartarazi zuen Cabanillasek.

EUSKO LEGEBILTZARRA



MIREN SAEZ

Antton Karrera (EB-IU), Joseba Egibar (EAJ) eta Rafael Larreina (EA), atzo, Jaurlaritzako alderdiek eskainitako prentsaurrekoan.

Parte-hartze zuzenaren aldeko proposamena

Jaurlaritzari sostengua ematen dioten al-
derdiek —EAJk, EAK eta EB-IUk— legez
besteko proposamen bat aurkeztu dute
Gasteizko Legebiltzarrean, erakunde ho-
nek Jaurlaritzaren helburuak bere egin di-
tzan. Proposamen bera Biltzar Nagusieta-
ra ere eramango dute, EAEko erakundeek
Idoia Zenarruzabeitiak zuzentzen duen
taldeari babesa eman diezaioten.

European ordezkaritza zuzena izateko
eta zerga kontuetan bi aldeek —EAEk eta
Europako Batasunak— hitzarmenak egi-

teko aukera aldarrikatuko luke Legebiltza-
rrak, EAJ, EA eta IUren proposamenak
arrakasta izango balu. Honela dio Euro-
pan ordezkaritza zuzena aldarrikatzeko
idatziak: «Euskal erakundeek zerga arae-
tan eragina duten erabakiak hartzen dituz-
ten Batasuneko agintariekin koordinatzea
eta behar diren eta bi aldeek hitzartzen di-
tuzten baldintzetan parte hartzea».

Mugarik gabeko Kontzertu Ekonomi-
koa eskatu dute Jaurlaritzako alderdiek,
eta, gainera, European «sartuta» egotea.
Hori dela eta, arbuiatu dute EAE estatu la-
guntzen sisteman egotea, kontu horiek
guztiak Kontzertuaren bidez egitea nahi
dutelako. Legebiltzarrak eskatuko luke
«Kontzertua Europako Batasuneko espa-
rruan erabat sartuta egotea, estatu lagun-
tzen eskualde sistematzat har ez dadin edo

kokatzeko askatasunari buruzko diskrimi-
nazioz gerta ez dadin, horretarako egin
behar diren adierazpenak eta Batasuneko
itunetara egokitzeak eginez».

Datozen bost urteetarako kupoa zehaz-
teko irizpidea jarri nahi dute, halaber:
«2002-2006 bost urteetarako Kupoa berri-
tzea, indarrean dagoenaren oreka eta fi-
nantza neutraltasuna errespetatuz».

Presaz eztabaidatzeko eskatu dute hiru
alderdiek. Izan ere, jakitun dira negocia-
zioak astear direla, eta epe jakin bat duela
Kongresuan eta Senatuan tramitazioa egi-
teko. Abenduaren 20an amaituko da zu-
zenketak aurkezteko epea, nahiz eta Kon-
tzertuaren agintaldia urtearekin batera
agortuko den. EAJk, EAK eta IUk, halaber,
arbuiatu dute Madrilgo gobernuak bere
kabuz Kontzertuaren luzapena egin izana.

Jaurlaritzatik erantzun diote
Cabanillasi. «Adierazpen ho-
riek ez dute laguntzen negocia-
zioa egiteko behar den giroa
aurkitzeko», adierazi zuten atzo
Jaurlaritzako iturriek.

Bilera «klabe politikoan»

Datorren astean bilduko dira bi
aldeetako ordezkariak, orain-
dik egun zehatzik ez bada ere.
Cristobal Montorok aurreratu

du Idoia Zenarruzabeitiarekin
eta hiru diputatu nagusiekin ba-
tzartuko dela, negoziazioak
«klabe politikoan» egin nahi di-
tuelako. Pasa den astean Jaur-
laritzako sailburuordeak eta di-

putazioetako ekonomia ardura-
dunek osatu zuten euskal or-
dezkaritza.

Bileraren helburua izango da,
Montorok esan zuenez, proze-
dura parlamentarioa argitzea.